



Finnmárkku ođasreive

Ovdasiidu

ALMMUHUS 5 - Juovlamánnu 2026

Mo mii bargat
Finnmárkkus

1

Bievlla
áigge barggut 2026

3

Eará barggut
Finnmárkkus

4

Čoahkkáigeasu ja
viidáset doaimmat.

5

Manjimuš jagiid mii leat ovdánahtán iežamet ohcanbargguid Finnmárkkus. Nannen dihtii áddejumi guovllu geologiijas, de leat dássáži čađahan geologalaš kártemiid, čoaggán eanaiskosiid ja mihtidan geofysihka giridiin. Mii leat gulahallan ja ovttasbargan boazodolliiguin unnidan dihte muosehuhttimiid bohccuide ja doarjun dihte ovddasvástideaddji areálageavaheami.

Min goalmát fealtaáigodat lahkonišgoahtá, ja mis leat plánejuvvon barggut sihke Porsággus, Kárášjogas ja Guovdageainnus. Dán jagi prográmmii gullet eananiskosiid váldin, geađgeiskosat ja kárten válljejuvvon guovlluin, buot golmma suohkanis. Fealtabargu čađahuvvo suoidnemánu rájes čakčamánu/golggotmánu rádjai.

Ovdal dán áigodaga leat mii ovttasbargan vuoigatvuođaoamasteddjiiguin vai mii ipmirdit movt ja goas guovllut geavahuvvojit áigodagaid. Dat dahká vejolažžan plánet barggu áigodagaide goas eai leat bohccot guovlluin, ja garvit muosehuhttimiid bohccuide ja eará árbevirolaš areálageavaheddjiide.




Min ovddeš ovttasbargoguoibmi, BHP, ii šat doarjjo ruđalaččat ohcanbarguid. Bargu mii čađahuvvui BHP-ovttasbarggus, lea dattetge addán midjiide nanu geologalaš, geokjemalaš ja geofysihkalaš dáhtaid Kárášjoga ja Guovdageainnu guovlluin. Kingsrose ruhtada boahhte fealtaáigodaga ieš ja ohcá dan seammás ođđa ovttasbargoguimmiid boahhteáiggi bargguide.

Mii leat ain geatnegahtton doalahit rabas ja ulbmillaš gulahallama min vuoigatvuođaoamasteddjiiguin, ja viežžat miehtama ovdal go eanet duohtadilálaš fealtabargu čađahuvvo. Dát lea leamaš min vuođđoprinsihppa álggu rájes, ja lea vuođđun min FPIC bargui. Mii háliidit láchit rabas ja čađačuovgi gulahallama olles proseassas, ja mii oaidnit ahte vuoigatvuođeaiiggádiid ja báikegottiid máhcahat ja beroštupmi lea mearrideaddjin dasa ahte ovddidit ovddasvástideaddji ohcanprošeavttaid. Geahpedit bohccuid ja boazodoalu muosehuhttimiid lea ain mearrideaddjin dasa movt mii plánet ja čađahit doaimmaid.





Dát kárttat čájeht daid guovlluid gos leat kártemen geasset, ja maid gokko leat váldán eanan- ja bákteiskosiid. Min fealtabarggu váikkuhus lea unni, ja mii garvit guovlluid gos bohccot leat. Min lahkoneapmi hábmejuvvo gulahallamiin, ja mii áigut ain heivehit plánaid dárbbu mielde unnidan dihtii muosehuttiid.





Finnmárkku fealtaáigodat 2026

Bargoguvllut:

Dán jagáš fealtaáigodagas áigut mii bargat välljeuvvon guovlluin Porsánggu, Kárášjoga ja Guovdageainnu suohkaniin. Dát guovllut leat välljeuvvon ovdalaš bargguid ja vuoigatvuodaoamasteddjiiguin gulahallamiid vuodul.

2026 Bargoplánat:

Fealtabarggut čađahuvvojit unnit guovlluin min viiddis liseansa guovllus vuoi oažžut buoret áddejumi guovllu geologiijas. Dán geasi ohcandoaimmat mielddisbuktet eanaiskosiid- ja geađgeiskosiid váldima ja kárten bargu.

Eananiskkus:

Eanan- dahje čievraiskosat (vuollel 3 kg) váldojuvvojit go eatnamii goivesta unna rokkáža. Roggi gokčojuvvo fas dakkaviđe go iskkus lea váldon. Iskkus sáddejuvvo de laboratoriai gos dat analyserejuvvo.

Kárten ja bákteiskosat:

Joavku mas leat 2-4 geologa ja fealtateknihkkárat kártejit bákteslájaid mat oidnojit eatnamis, ja váldet smávva bákteiskosiid - dábálaččat čorpma sturrodagas ja vuollel 5 kg - geologaveahčiriiguin. Iskosat sáddejuvvojit laboratoriai analyseremii ja nu sáhttet identifiseret minerálaid, geologalaš struktuvrraid ja bákteslájaid agi.

Buot dát doaimmat gullet geologalaš iskkademiide ja leat mielde lasiheamen ipmárdusa das makkár minerálavejolašvuodát guovllus leat. Sihke kártemiidda ja iskosiid váldimii lea dárbu ATV-fievrrideapmái, mii vuodjit ATV ja tráktor máđiijaid mielde vai beassat välljeuvvon guovlluide beaktilat vuogi mielde ja nu ahte dat unnimusat čuohcá eatnamii.

Gávdnosiid čoahkkáigeassu:

Fealtaáigodat álgá suoidnemánus, ja danne eai leat dán jagáš bohtosat vel. Go bohtosat leat gárvásat, de mii sáddet sierra ođasreivve mas ovdanbuktii bohtosiid.

Miessemánnu	Geassemánnu	Suoidnemánnu	Borgemánnu	Čakčamánnu	Golggotmánnu	Skábmamánnu
<ul style="list-style-type: none"> • Fealtaáigodaga plánen. 	<ul style="list-style-type: none"> • Ođasreivve bokte juohkit plánai báikkálaš servodahkii. • Ohcanjoavku gárve plánaid Finnmarkkus. 	<ul style="list-style-type: none"> • Geologalaš kárten ja iskosiid váldin välljeuvvon guovlluin. 	<ul style="list-style-type: none"> • Geologalaš kárten ja iskosiid váldin välljeuvvon guovlluin. 	<ul style="list-style-type: none"> • Geologisk kartlegging og prøvetaking på utvalgte områder. 	<ul style="list-style-type: none"> • Geologalaš kárten ja iskosiid váldin välljeuvvon guovlluin. 	<ul style="list-style-type: none"> • Dáhtaid dulkon.



Eananiskosiid váldin



Bákteiskosiid váldin



Kárten 2025 geasi



Bákteiskkus



Eanet barggut 2026:



Finnmárku 2024 fealtaáigodaga.



Searvaimet Arctic Frontiers-konferánsii 2026

Fárret ođđa lanjaide Kárášjogas:

Boahtte čavčča mii fárret ođđa lanjaide Kárášjogas, ovttas eará báikkálaš fitnodagaiguin ja aktevrraiguin. Mii sávvat dán rabas bargovuogi nannet ovttasbarggu ja buktit ođđa vejolašvuodaid gulahallamii ja ovttasdoaimbamii. Min kántuvra galgá leat rabas deaivvadanbáiki gos olbmot sáhttet boahtit juogadit vuorjašumiid, addit ruovttoluottadieđuid, jearrat gažaldagaid ja ahte dat váikkuha lunddolaš ja jotkkolaš dialogii.

Kingsrose ovdanbuvttii Stockholmas Amnestyin:

Mannan dálvvi beasaimet leat mielde doaluin maid Amnesty International lágidii Stockholmas. Digaštallamis deattuhuvvui FPIC, mo prinsihppa geavahuvvo geavahusas, ja mo bagadallama sáhtta buoridit riikarájaid rastá. Roy Arthur searvvai Kingsrose bealis ja doalai nana ja reflekterejuvvon ovdanbuktima das mo mii bargat Sámis ja ovttasbargat min vuoigatvuođaoamasteddjiiguin vai FPIC čađahuvvošii práksis.

Proseassašiehtadusaid viidáseappot ovddideapmi vuoigatvuođalaččaiguin:

Mii leat čađat dán jagi bargan proseassašiehtadusaiguin vuoigatvuođaoamasteddjiiguin, doarjun dihtii guhkesáiggi ovttasbarggu ja oktasaš ipmárdusa go mii plánet boahttevaš doaimmaid.

Bures boahтин, Oliver, Mollie ja Sophie:

Mii sávvat guovtti ođđa geologii, Oliver Dedman ja Mollie Patzke, bures boahtima min jovkui. Sutno vásáhusat ja ángiruššan lea mávssolaš go mii joatkit Finnmárkkuproševtta ovddidemiin. Dán áigodagas searvaba fealtabargguide ovttas min dálá geologaiguin ja sii čađahit kártemiid ja váldet iskosiid. Mii maid sávvat Sophie Digges La Touchei, goalmmát jagi geologiiastudentii, bures boahtima. Son lea min fárus geasi miehtá ja searvá min fealtabargguide oassin iežas fágalaš oahpus.

Sponsen ja báikkálaš doarjja

Maŋimus jagi leat mii dorjon eambo báikegottiid ja ášahuvvon doaimmaid ja fitnodagaid dain guovlluin gos mii bargat. Mii leat báikkálaš investeremiid bokte váikkuhan ollu báikkálaš lágidemiide ja doaimmaide sihke Kárášjogas ja Guovdageainnus. Mii atnit stuora árvvus dan vejolašvuoda ahte beassat hukset oktavuodaid ja juogadit árvvuid báikkálaš servodagain ja ealáhuseallimiin oassin min doaimmas dán guovllus.



Doarjjuimet Guovdageainnu fitnodaga, Arctic Lavvo.



2026 Geasi čeahkkáigeassu

Dán jagi fealtaáigodagas áigut kártet ja váldit geađge- ja eananiskosiid muhtun guovlluin min liseansaguovlluin Porsánggus, Kárašjogas ja Guovdageainnus. Unna joavkkuš mas leat 2-4 geologa ja fealtaassisteanta galget kártet geađgešlájaid mat leat oidnosis eatnama nalde ja čoaggit unna geađgešlájaiskosiid analyseremii. Sii váldet maid eananiskosiid go goivestit rokkážiid maid de fas dakkaviđe devdet maŋjel go leat váldán iskosiid.

Dáid bargovugiid bokte oažžut mii čielgaseabbo geologalaš gova guovllus ja oažžut maid mávssolaš máhtu viidásit ohcanbargui. Fealtaáigodat álggahuvvo suoidnemánu álggus, ja go bohtosat leat gárvásat, de mii juohkit daid sierra ođasreivve bokte mii almmuhuvvo maŋjel dan dárbbalaš ASX-almмуhуsa.

Boahteáigi

Go mii dál geahčestit dálvvi ja boahte geasi fealtabarggu guvlui, de lea ain fokus das ahte joatkit ohcanbargguid Finnmárkkus. Boahte mánuid plánegoahtit vejolaš dálvebargguid ja ráhkkanahhtit 2027 fealtaprográmma. Mii áigut maid ohcat ođđa ohcanguoimmi mii sáhttá doarjut proševtta guhkesáiggi ovdáneami.

Midjiide lea hui dehálaš doalahit árjjalaš gulahallama singuin geain leat vuoigatvuođat. Ovdal go bargu álggahuvvo, de áigut mii ain viežžat ruovttoluottadieđuid, guldalit vuorjašumiid ja integreret báikkálaš máhtu plánemii. Mii joatkit ain proseassašiehtadusaid bargguiguin ovttas vuoigatvuođaoamasteddjiiguin, nannen dihte ovttasbarggu ja čielggadit movt mii sáhttit ovttasbargat.

Dadistaga go bargu ovdána, de sáddet mii ođđa ođasreivve mas leat dieđut plánejuvvon doaimmaid birra boahte áigodaga.



Váldde oktavuoda
minguin jus háliidat
eambo dieđuid:

info@kingsrose.com

www.kingsrose.com

Oalgejotguolbba 26, 9730 **Karasjok**
Arnes, 338/270 - 8540 **Ballangen**

Čuovo min:

Kingsrose Norge



kingsrosefinnmark



 **Kingsrose**